

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՐԱԾՔԱՅԻՆ ԿԱՌԱՎԱՐՄԱՆ ՆԱԽԱՐԱՐՈՒԹՅԱՆ
ՋՐԱՅԻՆ ՏՆՏԵՍՈՒԹՅԱՆ ՊԵՏԱԿԱՆ ԿՈՄԻՏԵ

Հ Ա Շ Վ Ե Տ Վ ՈՒ Թ Յ ՈՒ Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՐԱԾՔԱՅԻՆ ԿԱՌԱՎԱՐՄԱՆ
ՆԱԽԱՐԱՐՈՒԹՅԱՆ ՋՐԱՅԻՆ ՏՆՏԵՍՈՒԹՅԱՆ ՊԵՏԱԿԱՆ
ԿՈՄԻՏԵԻ 2013 ԹՎԱԿԱՆԻ ԳՈՐԾՈՒՆԵՈՒԹՅԱՆ

Ե Ր Ե Վ Ա Ն - 2014

ՀԱՇՎԵՏՎՈՒԹՅՈՒՆ

Հայաստանի Հանրապետության տարածքային կառավարման նախարարության ջրային տնտեսության պետական կոմիտեի կողմից 2013 թվականին կատարված հիմնական աշխատանքների վերաբերյալ

2013 թվականի ընթացքում ՀՀ տարածքային կառավարման նախարարության ջրային տնտեսության պետական կոմիտեի աշխատանքային գործունեության հիմքում ընկած էին ՀՀ ջրային օրենսգրքի, ջրի ազգային ծրագրի և ջրի ազգային քաղաքականության հիմնադրույթների, ՀՀ 2013 թվականի պետական բյուջեի մասին օրենքները, ինչպես նաև ՀՀ կառավարության ջրային ոլորտի բարեփոխումներին նվիրված որոշումները, գերակա խնդիրներն ու միջոցառումները, որոնցով հաստատված են համակարգի հիմնական ծրագրային դրույթները և ուղղությունները:

2013 թվականին կոմիտեի կողմից ապահովվել է ՀՀ կառավարության 2013 թվականի հուլիսի 18-ի N 800-Ն որոշմամբ հաստատված հավելվածներով ՀՀ կառավարության 2013 թվականի գործունեության միջոցառումների ծրագրի և գերակա խնդիրների կոմիտեին վերաբերող (Հայաստանի Հանրապետության կառավարության 2013 թվականի գործունեության միջոցառումների ծրագրի և գերակա խնդիրների 89-92-րդ կետեր) պահանջները:

Հաշվետու ժամանակահատվածում շարունակվել են աշխատանքները՝ համակարգում կառուցվածքային փոփոխությունների, ջրամատակարարման տևողության ավելացման ու ջրի որակի բարելավման, մասնավոր կառավարման պայմանագրերի վերահսկման, մատակարարված ջրի դիմաց վճարների հավաքագրման մակարդակի բարձրացման, համակարգում կորուստների նվազեցման և ընկերությունների գործունեության արդյունավետության բարձրացման, ջրաչափական սարքերի տեղադրման և փոխարինման, բյուջետային, վարկային և դրամաշնորհային միջոցների արդյունավետ օգտագործման և նոր վարկային ու դրամաշնորհային միջոցների ներգրավման, Մարմարիկի ջրամբարի և Գավառ, Մարտունի, Վարդենիս քաղաքներում կոյուղու մաքրման կայանների շահագործման հանձնման, ինչպես նաև այլ ուղղություններով: Տարվա ընթացքում մամուլում տեղ են գտել ոլորտին վերաբերող բազմաթիվ հրապարակումներ և իրականացվել են մամուլի ասուլիսներ:

Ջրային տնտեսության ոլորտում ջրային տնտեսության պետական կոմիտեի համակարգմամբ 2013 թվականի ընթացքում կատարվել են հետևյալ հիմնական աշխատանքները.

1. Կնքված պայմանագրերի (կառավարման պայմանագրեր՝ ֆրանսիական Սաուր կազմակերպության, ինչպես նաև գերմանական «Էմ Վի Վի Դեկոն Ջի Էմ Բի Էյջ» (MVV decon GmbH), «Էմ Վի Վի Էներջի Էյ Ջի» (MVV Energe AG) և հայկական «Էյ-Դ-Ջի Սերվիս» ՍՊԸ-ների կոնսորցիումի հետ) շրջանակներում ապահովվել է «Հայջրմուղկոյուղի», «Լոռի-ջրմուղկոյուղի», «Շիրակ-ջրմուղկոյուղի» և «Նոր Ակունք» փակ բաժնետիրական ընկերությունների արդյունավետ տնտեսական բնականոն գործունեությունը: ՀՀ կառավարության 14.07.2011թ. N 972-Ա որոշմամբ Ֆրանսիական

Սաուր կազմակերպության հետ կնքվել է «Հայջրմուղկոյուղի» ՓԲԸ-ի գործադիր մարմնի լիազորությունները մասնավոր կառավարչին հանձնելու կառավարման պայմանագրի գործողության ժամկետը մինչև 2013 թվականի դեկտեմբերի 31-ը երկարաձգելու պայմանագիր: ՀՀ կառավարության 2012 թվականի հուլիսի 19-ի N912-Ա որոշման համաձայն ստորագրվել է «Լոռի-ջրմուղկոյուղի», «Շիրակ-ջրմուղկոյուղի», «Նոր Ակունք» ՓԲԸ-ներում մասնավոր կառավարչի՝ «Էմ Վի Վի դեկոն», «Ջի Էմ Բի Էյջ Էմ Վի Վի Էներջի Էյ Ջի» և «Էյ-Ի-Ջի-Սերվիս» ընկերությունների կոնսորցիումի կառավարման պայմանագիր լրացում N2-ը, որով կառավարման պայմանագրի գործողության ժամկետը երկարաձգվել է մինչև 2013 թվականի դեկտեմբերի 31-ը: Նշված ընկերությունների մասով ապահովվել է նաև Համաշխարհային բանկի, Ասիական Զարգացման բանկի, Վերակառուցման և Զարգացման Եվրոպական բանկի, KfW բանկի վարկային և դրամաշնորհային ներդրումային ծրագրերի համապատասխան չափաբաժիններով իրականացումը: ՀՀ կառավարության 05.12.2013թ. «Հայջրմուղկոյուղի», «Լոռի-ջրմուղկոյուղի», «Շիրակ-ջրմուղկոյուղի» և «Նոր Ակունք» փակ բաժնետիրական ընկերությունների մասնավոր կառավարման շարունակությունն ապահովելու մասին» N 1366-Ա որոշման հիման վրա «Հայջրմուղկոյուղի», «Լոռի-ջրմուղկոյուղի», «Շիրակ-ջրմուղկոյուղի» և «Նոր Ակունք» փակ բաժնետիրական ընկերությունների մասնավոր կառավարման շարունակականության ապահովման նպատակով կնքվել են համապատասխան պայմանագրեր:


2. Ոռոգում ջրառ իրականացնող <Սևան-Հրազդանյան-ջրառ> և <Ախուրյան-Արաքս-ջրառ> (ավարտվել է <Դեբետ-Աղստև-ջրառ> ՓԲԸ-ի միացման ձևով վերակազմակերպման գործընթացը) ՓԲԸ-ների, ինչպես նաև ոռոգման ջուր մատակարարող 42 ջրօգտագործողների ընկերությունների գործունեությունների արդյունքներով ապահովվել է կայուն ջրամատակարարում և ընկերություններն ունեցել են ֆինանսական կայուն վիճակ:

3. Աբու Դաբի հիմնադրամի և ՀՀ կառավարության համաֆինանսավորման շրջանակներում Արփա-Սևան թունելի անհապաղ վերականգնողական աշխատանքների իրականացման համար 2013թ. ընթացքում կատարվել են՝ վտանգավոր հատվածներում նոր ժամանակավոր ամրակապերի տեղադրում՝ 169.5 տ, երեսարկի կառուցում՝ 343.4 գծմ, ցեմենտային լցամուղում և ստուգիչ լցամուղում՝ 4429.1 քմ: Արդյունքում հնարավորություն է ստեղծվել լուծել թունելի առավել վտանգավոր հատվածների անվտանգ շահագործման հարցերը:

4. **Համակարգի կազմակերպությունների հիմնական գործունեության վերլուծությունը ցույց է տալիս**, որ իրագործվում են հաստատված ծրագրերը՝ տալով զգալի դրական տեղաշարժեր:

Միայն հավաքագրումների գծով 2013 թվականի համակարգի գանձումը կազմել է շուրջ 21,16 մլրդ դրամ՝ 2012 թվականի 20,33 մլրդ դրամի փոխարեն կամ ավել է գանձվել շուրջ 837 մլն դրամ (գրաֆիկ 1):


Մլն դրամ



Գրաֆիկ 1. 2000-2013թթ. խմելու և ոռոգման ջրի մատակարարող կազմակերպությունների գանձման ցուցանիշների համեմատական վերլուծություն (մլն դրամ)

Խմելու ջրի մասով գանձվել է շուրջ 16.72 մլրդ դրամ՝ 2012 թվականի 16,3 մլրդ դրամի դիմաց կամ ավել է գանձվել շուրջ 420 մլն դրամ, իսկ ոռոգման ոլորտում գանձվել է 4.44 մլրդ դրամ՝ 2012 թվականի 4.03 մլրդ դրամի դիմաց կամ ավել է գանձվել շուրջ 410 մլն դրամ:

Խմելու ջրի ոլորտում գանձման տոկոսը 2013 թվականին կազմել է 98.07 %, իսկ ոռոգման ոլորտում գանձման տոկոսը 2013 թվականին կազմել է 85.7 %:




Գրաֆիկ 2. 2000-2013թթ. խմելու և ոռոգման ջրի մատակարարող կազմակերպությունների կողմից ծախսված էլեկտրաէներգիայի ծախսի վերաբերյալ (մլն կվտ.ժամ)

Էլեկտրաէներգիայի ծախսի համեմատական վերլուծությունը ցույց է տալիս, որ հաշվի առնելով նաև 2013 թվականի սակավաջրության գործոնը, համակարգն ունեցել է էլեկտրաէներգիայի գերածախս: Միայն ոռոգման ոլորտում 13,8 մլն կվտ.ժամով ավել էլեկտրաէներգիա է ծախսվել, իսկ խմելու ջրի ոլորտում ապահովվել է էլկտրաէներգիայի խնայողություն (գրաֆիկ 2):


5. 2013 թվականի ընթացքում ջրային տնտեսության համակարգի կազմակերպություններով ՀՀ պետական բյուջե է փոխանցվել շուրջ 7.27 մլրդ դրամի հարկեր, տուրքեր և պարտադիր վճարներ (նշված գումարի մեջ ներառված է նաև ՀՀ կառավարության որոշմամբ գույքի առանձնացման ժամանակ հաշվարկված և վճարված ԱԱՀ-ի գումարը), որը 2012 թվականի համեմատությամբ ավել է 135 մլն դրամի չափով (գրաֆիկ 3): Եթե խմելու ջրի ոլորտի բոլոր կազմակերպությունները նախկինում սուբսիդավորվում էին, ապա ներկայումս միայն “Երևան Զուր” ՓԲԸ-ի մասով նշենք, որ

այն ոչ միայն չի սուբսիդավորվում, այլև ՀՀ պետական բյուջե է վճարել շուրջ 2.73 մլրդ դրամի հարկեր, տուրքեր և վճարներ:



Գրաֆիկ 3. 2006-2013թթ. խմելու և ոռոգման ջուր մատակարարող կազմակերպությունների կողմից ՀՀ պետական բյուջե փոխանցված գումարների վերաբերյալ (մլն դրամ)

6. 2013 թվականի ընթացքում «Երևան Զուր», «Հայջրմուղկոյուղի», «Լոռի-ջրմուղկոյուղի», «Շիրակ-ջրմուղկոյուղի» և «Նոր Ակունք» ՓԲԸ-ների սպասարկման տարածքներում տեղի են ունեցել ջրամատակարարման տևողության ավելացումներ՝ ապահովելով ՀՀ կառավարության գերակա խնդիրներով դրված պահանջը (գրաֆիկ 4):




Գրաֆիկ 4. 2007-2013թթ. խմելու ջուր մատակարարող կազմակերպությունների ջրամատակարարման միջին տևողության վերաբերյալ

7. 2013թ. Սևանա լճից օրենքով սահմանված կարգով բաց է թողնվել լրացուցիչ 169.95 մլն մ³ ջուր: Սևանա լիճ է տեղափոխվել 134.58 մլն մ³ ջրաքանակ, որն 2012 թվականի համեմատությամբ

ավել է 56.46 մլն մ³-ով: Սկանա լճի մակարդակը 2012 թվականի համեմատությամբ ավել է 5 սմ-ով՝ կազմելով 1900.16 մ:

8. Կատարվել է ջրամատակարար կազմակերպությունների միջև գույքային հարաբերությունների և պարտավորությունների ճշգրտումներ, ինչպես նաև իրականացվել են կանոնադրությամբ վերապահված այլ լիազորություններ: Շարունակվել է բարելավվել հաշվառման համակարգը: Միաժամանակ համակարգի խմելու ջուր մատակարարող կազմակերպությունների սպասարկման տարածքում բաժանորդների մոտ տեղադրված են 695114 հատ ջրաչափական սարքեր, որը 2012 թվականի համեմատությամբ ավել է 56.6 հազարով (գրաֆիկ 5): Ջրաչափությունը կազմում է 91.1 %:



Գրաֆիկ 5. 2006թ. հունվարի 1-ի դրությամբ և 2006-2013թթ. խմելու ջուր մատակարարող ընկերությունների սպասարկման բաժանորդների մոտ տեղադրված ջրաչափերի վերաբերյալ

9. 2013 թվականի ընթացքում կառուցվել, վերականգնվել և վերանորոգվել են շուրջ 664,8 կմ խողովակաշարեր, ջրանցքներ և ջրատարներ, այդ թվում՝ **խմելու և կոյուղու ջրագծեր՝ 613 կմ, ոռոգման ջրանցքներ և ջրատարներ՝ 51,8 կմ:**

10. Շահագործվել են Մարմարիկի ջրամբարը, ինչպես նաև Գավառ, Մարտունի և Վարդենիս քաղաքների կոյուղու մաքրման կայանները: Վերակառուցման և զարգացման եվրոպական և Եվրոպական ներդրումային բանկերի «Հայաստանի փոքր համայնքների ջրային ծրագրի» շրջանակներում նախատեսվում է իրականացնել ջրահեռացման բարելավման աշխատանքներ, այդ թվում՝ Ջերմուկ և Դիլիջան քաղաքներում կեղտաջրերի մաքրման կայանների կառուցում:

Ջրամբարաշինության և ենթակառուցվածքների արդիականացման ծրագրերի նախապատրաստման ուղղությամբ, այդ թվում՝ առաջնահերթ 4 ջրամբարաշինական ծրագրերի մասով (Կապս, Վեդի, Մաստարա, Եղվարդ) իրականացվել են համապատասխան աշխատանքներ:

11. Ապահովվել է Հայաստանի Հանրապետությունում 2013 թվականի մայիսի 12-19-ը Ջրի Եվրոպական Երիտասարդական 11-րդ պառլամենտի անցկացման և կազմակերպման իրականացումը (<< վարչապետի 08.04.2013թ. N 254-Ա որոշում):

12. Արդյունավետ են ճանաչվել Վերակառուցման և զարգացման Եվրոպական բանկի և Համաշխարհային բանկի վարկային ծրագրերը:

13. Կոլեկտորադրենաժային ցանցի մաքրում և ընթացիկ նորոգում, կոլեկտորադրենաժային ցանցի պահպանում և շահագործում, գրունտային ջրերի մակարդակների և որակի որոշման ծրագրերով իրականացվել են՝

ա) 140.8 կմ ընդհանուր երկարությամբ կոլեկտորադրենաժային ցանցի մաքրման, ինչպես նաև 23,2 կմ ընդհանուր երկարությամբ դրենաժային ցանցի վերականգնման, նորոգման և մաքրման աշխատանքներ:

բ) Արարատյան հարթավայրում տեղադրված 450 դիտողական հորատանցքներում գրունտային ջրերի մշտական դիտարկումներ:

14. KfW բանկի, Եվրոմիության և Եվրոպական ներդրումային բանկի հետ նախատեսվել է իրականացնել լայնամասշտաբ ծրագրեր՝ շուրջ 73,0 մլն Եվրոյի չափով, որից 18,0 մլն Եվրոն նախատեսվել է հատկացնել դրամաշնորհի տեսքով (ՀՀ կառավարության 2013 թվականի դեկտեմբերի 19-ի նիստի N 52 արձանագրության 59-րդ կետով հավանություն է տրվել Հայաստանի Հանրապետության և Վերականգնման վարկերի բանկի (ՎՎԲ/KfW) միջև «Համայնքային ենթակառուցվածքների ծրագիր II, փուլ 3 - Հայաստանի ջրամատակարարման և ջրահեռացման ենթակառուցվածք» վարկային և ֆինանսավորման համաձայնագրերի նախագծերին):

Ոռոգման ոլորտում Համաշխարհային բանկի հետ նախատեսվում են իրականացնել էլեկտրաէներգիայի ծախսի նվազեցման միջոցով մատակարարվող ոռոգման ջրի ինքնարժեքի նվազեցմանն ուղղված համապատասխան ծրագրեր: Եվրասիական բանկի հետ նախատեսվել է սկսել նոր ծրագիր՝ ներտնտեսային ցանցերը կարգի բերելու ուղղությամբ:

15. Իրականացման փուլում է ջրային տնտեսության ոլորտի հետագա զարգացման և կառավարման բարեփոխումների ծրագրի մշակումը: Ընթացքի մեջ են նաև չհաշվառվող ջրի նվազեցման, կեղտաջրերի կառավարման, ինչպես նաև սակագնային և սուբսիդավորման ռազմավարությունների մշակման աշխատանքները:

Պայմանագրի կնքման գործընթացում է ջրամատակարար կազմակերպությունների սպասարկման դաշտից դուրս գտնվող բնակավայրերում ջրամատակարարման կառավարման բարելավման ուղղված ուսումնասիրությունների իրականացման աշխատանքները:

Ջրային տնտեսության ոլորտում վերը նշված աշխատանքների իրականացման արդյունքում խմելու և ոռոգման ջրերի մատակարարման, ինչպես նաև ջրահեռացման ոլորտներում 2013 թվականի ընթացքում ապահովվել է համակարգերի հուսալի և անվտանգ շահագործումը, բարելավվել է խմելու և ոռոգման ջրամատակարարումը, իրականացվել է համակարգի անվտանգ շահագործումը, կրճատվել են կորուստները, ապահովվել է էներգախնայողությունը, բարելավվել է

ծառայությունների մատուցման որակը, ապահովվել է ջրամատակարարման շարունակականության ավելացումը և այլն:

2014 թվականի ՀՀ տարածքային կառավարման նախարարության ջրային տնտեսության պետական կոմիտեի համակարգում կարևորվում են հետևյալ հիմնական աշխատանքների իրականացումը՝

1. «Հայջրմուկոյուղի», «Լոռի-ջրմուկոյուղի», «Շիրակ-ջրմուկոյուղի», «Նոր Ակունք», «Սևան-Հրազդանյան-ջրառ», «Ախուրյան-Արաքս-ջրառ» և «Մելիորացիա» փակ բաժնետիրական ընկերությունների, ինչպես նաև ջրօգտագործողների ընկերությունների գործունեության արդյունավետության բարձրացման ուղղությամբ աշխատանքների իրականացում:

2. Համաշխարհային բանկի, Ասիական զարգացման բանկի, Վերակառուցման և Զարգացման Եվրոպական բանկի /Եվրոմիության/Եվրոպական Ներդրումային Բանկի ֆինանսավորմամբ Գերմանիայի Դաշնային Հանրապետության տնտեսական զարգացման բանկի, Աբու Դաբիի Զարգացման հիմնադրամի կողմից ֆինանսավորվող վարկային ծրագրերի իրականացման ապահովում:

3. Ոռոգման համակարգերի շահագործման հուսալիության և արդյունավետության բարձրացմանն ուղղված Համաշխարհային բանկի աջակցությամբ իրականացվող ոռոգման համակարգերի վերականգնման վարկային ծրագրի իրականացման ապահովում:

4. «Հայջրմուկոյուղի», «Լոռի-ջրմուկոյուղի», «Շիրակ-ջրմուկոյուղի» և «Նոր Ակունք» փակ բաժնետիրական ընկերություններում մասնավոր կառավարիչների հետ կնքված պայմանագրերով 2014 թվականի համար նախատեսված ցուցանիշների կատարման ապահովում:

5. Խմելու ջրի կայուն, հուսալի և անվտանգ մատակարարումը, որակի ապահովումը, ջրի կորուստների կրճատումը, ջրամատակարարման տևողության աստիճանական ավելացումը՝ նախորդ տարվա նկատմամբ առնվազն 1 ժամով, խմելու ջրի մատակարարման և ջրահեռացման համակարգերի վերանորոգումն ու կառուցումը, ջրային տնտեսության ոլորտի հետագա զարգացման ռազմավարական ծրագրերի մշակումը, ինչպես նաև ջրամատակարար կազմակերպությունների կողմից չսպասարկվող բնակավայրերում ուսումնասիրությունների ավարտումը և ներդրումային ծրագրերի նախապատրաստումը:

6. Տարեկան առնվազն 50 կմ ոռոգման ջրանցքների վերականգնումը, ինչպես նաև ինքնահոս համակարգերի կառուցումը:

7. Զրամբարաշինության և ենթակառուցվածքների արդիականացման ծրագրերի նախապատրաստումը, այդ թվում առաջնահերթ 4 ջրամբարաշինական ծրագրեր իրականացնելու նպատակով,

ա) Կապսի ջրամբարի մասով՝ ջրամբարաշինական ծրագիրն ընթացքի մեջ է: Զրամբարի 6 մլն մ³ կառուցման ֆինանսավորման հարցի լուծումը տրված է KfW բանկի կողմից: Ընթացքում կբանակցվի Կապսի ջրամբարի 60 մլն մ³-ով կառուցման շինարարության հարցը:

Նախագծանախահաշվային փաստաթղթերի կազմման աշխատանքները սկսված են և նախատեսվում է ավարտել 2014 թվականի հուլիսին:

բ) Եղվարդի ջրամբարի շինարարության հարցը բանակցվում է ճապոնական JIKA կազմակերպության հետ: Բանակցություններն ընթացքի մեջ են: Առկա է ծրագրի ընդունման նախնական արձագանք:

գ) Մաստարայի ջրամբարի շինարարական ծրագիրը Քուվեյթի հիմնադրամի կողմից նախնական հավանության է արժանացել: Արաբական տնտեսական զարգացման Քուվեյթյան հիմնադրամի նախապատրաստական առաքելության հետ իրականացվել են համապատասխան քննարկումներ:

դ) Վեդու ջրամբարի կառուցման նախագծային աշխատանքների ֆինանսավորումը Ֆրանսիական զարգացման գործակալության դրամաշնորհային ծրագրով ընթացքի մեջ է: Վեդու ջրամբարի և նրա ոռոգման տարածքների տեխնիկատնտեսական ուսումնասիրության և նախագծանախահաշվային փաստաթղթերի կազմման աշխատանքներն ընթացքի մեջ են: Աշխատանքների տևողությունը 18 ամիս է:

ե) սկսվել է Մեդրիի ինքնահոսի շինարարությունը:

8. Սակավաջուր տարածքներում ջրամատակարարման կազմակերպումը, ինչպես նաև «Սևանա լճի էկոհամակարգի վերականգնման, պահպանման, վերարտադրման և օգտագործման միջոցառումների տարեկան ու համալիր ծրագրերը հաստատելու մասին» ՀՀ օրենքում փոփոխության իրականացումը՝ 170 մլն մ³ տարեկան ջրառի ՀՀ կառավարության իրավասությունը 240 մլն մ³ դարձնելու մասով:

9. Կոյուղու մաքրման կայանների և կոյուղացանցերի կառուցումը:

10. Ջրամատակարար կազմակերպությունների սպասարկման դաշտից դուրս գտնվող գյուղական բնակավայրերում ջրամատակարարման կառավարման բարելավման, ներդրումային և կառուցվածքային բարեփոխումներին ուղղված ուսումնասիրությունների, չհաշվառվող ջրի նվազեցման, կեղտաջրերի կառավարման, սակագնային և սուբսիդավորման ռազմավարությունների մշակման աշխատանքների իրականացումը, ինչպես նաև ջրամատակարար կազմակերպությունների սպասարկման դաշտից դուրս գտնվող բնակավայրերում ջրամատակարարման կառավարման բարելավման ուղղված ուսումնասիրությունների իրականացումը:

**ՀՀ տարածքային կառավարման նախարարության
ջրային տնտեսության պետական կոմիտե**